



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

IGREYIDI 12

ISINDEBELE ILIMI LESIBILI LOKUNGEZELELA (SAL)

IPHEPHA LESIBILI (P2)

NOVEMBA 2009

IMITLOMELO: 80

ISIKHATHI: ama-iri ama-2

Iphepheli linamakhasi asi-6.

YELELA:

1. Iphepheli lineengaba ezintathu, u-A, B no-C:
ISIGABA A: Amatheksti wokuzitlamela (40)
ISIGABA B: Amatheksti wokuthintana amade (20)
ISIGABA C: Amatheksti wokuthintana amithombo, anikela ilwazi, abukelwako
kanye naweendlela ezahlukahlukeneko zokuthintana (20)
2. Khetha imibuzo ukuya ngemiyalo onikelwe yona.
3. Funda imiyalelo yoke ngokuyelela okukhulu.
4. Khetha imibuzo ukuya ngemiyalo onikelwe yona.
5. Phendula umbuzo OWODWA esigabeni ngasinye.
6. Thoma umbuzo NGAMUNYE ekhasini ELITJHA.
7. Iimpendulo azinikelwe iinomboro ezifana nalezo eziseenhlokwani ezinikelweko.
8. Ngileyo naleyo ipendulo ayinikelwe isihloko sayo.
9. Niyayeleliswa kobana nisebenzise okungenani imizuzu ema-60 KUSIGABA A, imizuzu ema-30 KUSIGABA B, bese kuthi imizuzu ema-30 kube NGEYESIGABA C.
10. Tlola ngesandla esibonakalako.
11. Yelela ukupeledwa kwamagama kanye nokwakhiwa kwemitjho.

ISIGABA A: AMATHEKSTI WOKUZITLAMELA**UMBUZO 1**

Khetha isihloko ESISODWA bese utlola indaba engaba magama ali-150 – 180.

Kufuze utlame umsebenzakho *Isibonelo*, (Umebhengqondo, umgwalo/amaflowutjhadi/amagama amumongo) ubuyekeze bewulungise neemphoso emsebenzinakho. Umtlamakho awuvele nanyana ubonakale NGAPHAMBI kwendaba.

- 1.1 Ngalokho okubona esithombeni, tlola indaba yesihloko esithi "*Angeze Ngamlibalela!*".

**[40]****NOFANA**

- 1.2 Amalunga wehlangano ebusako eSewula Afrika abonakala atjihiya phasi iinkhundla zawo ehlanganweni. Tlola indaba uhlathulule ngobujamo bezepolitiki eSewula Afrika.

[40]**NOFANA**

- 1.3 Tlola indaba uhlathulule ngobusuku mhlazana izakhamuzi zangekhenu ziqotha amaphandle agade ahlala emitlhatlhaneni enakhelene nayo.

[40]**NOFANA**

- 1.4 Itja yanamhlanje ilahlekelwe ziimilo. Qalisisa isithombe esingenzasi bese utlola indaba uveze bona kungenziwani ukuvuselela iimilo zentanga etja.



[40]


NOFANA

- 1.5 Iindlela zokwenza imali msinya zilahlekisa abantu abanengi. Inengi labafundi lilisa iinkolo ngerhuluphelo lokwenza imali ngeendlela ezilula. Tlola indaba uyelelise itja mayelana nalesi senzo.

[40]

NOFANA

- 1.6 Qalisisa isithombe esingenzasi bese utlola indaba ngaso bewuyinikele isihloko esinembako.



[40]

NOFANA

- 1.7 Tlola indaba ngesihloko esithi, *Ngiyazikhakhazisa ngesikhethu.* [40]

NOFANA

- 1.8 Namhlanje abentwana balahlekelwa buntwana babo ngaphambi kwesikhathi. Qalisisa isithombe esingenzasi bese utlola indaba mayelana nalombono.



[40]

IMITLOMELO YESIGABA A: 40

ISIGABA B: AMATHEKSTI WOKUTHINTANA AMADE

UMBUZO 2

Khetha isihloko ESISODWA bese utlola ngaso amagama abe ma-60 – 80.

- 2.1 Qedelela ikulumo-pendulwano elandelako bewuyiphe nesihloko.

Utijhere: Valani amehlo sithandaze.

Uveleleni: (Usilingekile) Awa tijhere, mina angikazokuthandaza. UZimakho loyo mina angimthandazi.

Utijhere: Utijhere ngimi lapha, nizokuthandaza noke.

[20]

NOFANA

- 2.2 Izinga lokuphasa esikolweni senu lehla qobe mnyaka. UmKhandlu wabaBelethi ukubawe bona wenze irhubhululo ngonobangela walokho. Tlola umbiko ohlelekileko mayelana nalokho okuthole nawenza irhubhululo.

[20]

NOFANA

- 2.3 Isiqhema senu esivuma iingoma zesikhethu sisizwe yikhamphani ethileko ngemali yokugadangisa i-CD yokuthoma. Tlolela umnganakho incwadi amazise ngetjhu e linehleleko.

[20]

NOFANA

- 2.4 Qalisisa isikhangisi esilandelako bese utlola incwadi yesibawo mayelana nalokho okukhangisiweko.

UMKhangiso

IKomitjhini yeTja eMpumalanga ifuna abantu abatjha abazokufundiswa ukutlola imiTlamo yamaRhwebo ukuze bazibandakanye kezamarhwebo. Abangenza iimbawo ngilabo abanetjisakalo kezerhwebo. Iimfundo zezeRhwebo nezeKhomphyutha zingangezelela amathuba wokwamukelwa.

[20]**IMITLOMELO YESIGABA B:****20**

ISIGABA C: AMATHEKSTI WOKUTHINTANA AMITHOMBO, ANIKELA ILWAZI, ABUKELWAKO KANYE NAWEENDLELA EZAHLUKAHLUKENEKO ZOKUTHINTANA

UMBUZO 3

Khetha isiqetjhana ESISODWA bese utlola ngaso. Umtlolwakho ube namagama ama-40 – 60.

- 3.1 Tlola iflaya umemezele ngesikolo sangabomGgqibelo esizokuthoma esikolweni senu ukusukela mhlana amalanga ali-9 – 20 kuNtaka 2009.

[20]**NOFANA**

- 3.2 Tlola umnganakho imiyalo afanele ayilandele ukutlhogomela isivande sakhe sesipinitjhi ukuze sithole kuhle.

[20]**NOFANA**

- 3.3 Ubulelesi nokusetjenziswa kweendakamizwa kudlangile emphakathini wangekhenu. Wena nabangani bakho nisungule ijima lokuyelelisa umphakathi mayelana nomraro lo. Tlola umkhangiso wazise umphakathi ngembizo emayelana nejimelo.

[20]**NOFANA**

- 3.4 Tlola iposkarada ozolithumela emrhatjhweni othileko ubike ngesinini sakho esihlongakeleko.

[20]**IMITLOMELO YESIGABA C:****20****INANI LOKE:****80**